

之日乃挈錢鏰棘矜而欲與亢此予雅謂古今特覲者也  
今猶幸俎豆布列各方子孫麟麟然詩書纓組鄉評官箴  
咸不詭於先世相與葺於既圯之後數百年間如揭日月  
轟震霆瑰偉勃烈足以慰答人心鼓舞世教安知異時不  
如夷齊附驥於孔子哉為二公子孫者平時欲効忠義則  
莫貴於有荷則死不死亦各惟其時爾於是先生又飭其  
子南宮士某從孫太學生某等來督記敬書以復

通志

### 何宣差廟記

陳中

攬秀亭舊有葛將軍祠今為何侯廟而以將軍附之按祭  
法聖王之制祭祀也以勞定國則祀之能禦大災則祀之  
能捍大患則祀之古今得祭祀者而侯有三焉其得祀也